



Број/Број: 01/6-50-1-6-23/10

Сарајево/Сарајево, 06.9. 2010.

IZVJEŠTAJ O RADU
ZA 2010. GODINU
(januar – septembar)

Сарајево, septembar 2010.

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine, Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine na 20. sjednici, održanoj 06.9.2010. godine, usvojila je

IZVJEŠTAJ O RADU

ZA 2010. GODINU

(januar – septembar)

I. UOPĆE O KOMISIJI

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 46. Poslovnika Predstavničkog doma.

Komisija je u ovom sazivu Parlamentarne skupštine BiH konstituirana na 1. sjednici, 15. 2. 2007., izborom predsjedavajućeg (Vinko Zorić) te prvog (Milica Marković) i drugog (Sead Jamakosmanović) zamjenika predsjedavajućeg Komisije.

Na 4. sjednici, održanoj 22. 5. 2007, izvršena je promjena u rukovodstvu Komisije, kada je za prvog zamjenika predsjedavajućeg izabran novoimenovani član Komisije Jovan Todorović, umjesto Milice Marković kojoj je prestalo članstvo u Komisiji.

U 2009. godini došlo je do promjena u sastavu Komisije, tako što je umjesto Jovana Todorovića kojem je mandat prestao zbog smrti, za prvu zamjenicu predsjedavajućeg izabrana Vesna Šain, a u 2010. u Komisiju je izabrana Nermina Zaimović – Uzunović umjesto preminulog Joze Križanovića.

Ostali članovi Komisije su: Rifat Dolić, Halid Genjac, Mirjana Malić, Remzija Kadrić i Savo Erić.

II. SJEDNICE KOMISIJE

a) Razmatranje dokumenata i izvještaja

Tokom 2010. godine Komisija je održala četiri sjednice, s ukupno 26 tačaka dnevnog reda.

Komisija je razmatrala i očitovala se o sljedećim dokumentima:

- Izvještaj s 2. OSCE-ove regionalne konferencije parlamentarki pod nazivom: „Povećanje političke participacije žena u regiji – uticaj političkih, ekonomskih i društvenih faktora”;

- Informacija sekretara Komisije o spolnoj zastupljenosti zaposlenih u Sekretarijata PSBiH;
- Izvještaj o radu Vijeća ministara BiH za 2009. godinu;
- Informacija sekretara Komisije o posjeti delegacije Komisije gender komisijama u Zapadnohercegovačkom kantonu , 4. 3. 2010.;
- Izvještaj o primjeni *Strategije prevencije i borbe protiv nasilja u porodici za Bosnu i Hercegovinu za period 2009. – 2011. godine* u 2009. godini, sa zajedničkim zaključcima predstavnika pet parlamentarnih tijela od 9.aprila 2009.;
- Informacija o aktivnostima Vijeća Evrope na izradi Konvencije o sprečavanju i borbi protiv nasilja nad ženama i nasilja u porodici.

b) Zakonodavne aktivnosti

Komisija je, kao nenadležna, razmatrala Prijedlog zakona o izmjenama i dopunama Izbornog zakona BiH.

Rukovodeći se činjenicom da Izborni zakon BiH nije usaglašen sa Zakonom o ravnopravnosti spolova u BiH, jer ne sadrži rješenja koja u organima vlasti garantiraju ravnopravnu zastupljenost spolova, kao i da je ta komisija pokušala otkloniti predlaganjem Zakona o izmjenama i dopunama Izbornog zakona BiH u protekloj godini, koji u Parlamentarnoj skupštini BiH nije dobio podršku, konstatirano je da će se loše stanje u pogledu udjela žena u javnom životu nakon općih izbora još više pogoršati ako se u Izborni zakon BiH ne ugrade principi koji će garantirati postizanje stvarne ravnopravnosti spolova.

III. MEĐUNARODNE AKTIVNOSTI

Od međunarodnih aktivnosti realizirane su sljedeće posjete:

- Narodnoj skupštini Republike Srbije
- Bundestagu SR Njemačke;
- Parlamentu Velike Britanije
- 10. cetinjском parlamentarnom forumu i 3. OSCE-ovoj regionalnoj konferenciji žena parlamentarki, Crna Gora.

IV. PRISUSTVO SJEDNICAMA

U tabelarnom prikazu sadržano je prisustvo sjednicama članova Komisije:

IME I PREZIME	S J E D N I C A			
	20. 04. 02.2010.	21. 18. 03.2010.	22. 31. 05.2010.	23.
VINKO ZORIĆ	+	+	+	

VESNA ŠAIN	-	+	+	
SEAD JAMAKOSMANOVIĆ	-	+	-	
HALID GENJAC	+	+	-	
NERMINA ZAIMOVIĆ- UZUNOVIĆ	+	+	+	
MIRJANA MALIĆ	+	+	+	
REMZIJA KADRIĆ	+	+	+	
RIFAT DOLIĆ	+	-	+	
SAVO ERIĆ	+	-	-	

Potrebno je istaknuti da su članovi Komisije uglavnom uredno najavljivali sekretaru Komisije razloge spriječenosti da prisustvuju sjednici, što je rezultiralo činjenicom da nijedna sjednica nije otkazana zbog nedostatka kvoruma.

V. ZAKLJUČNE KONSTATACIJE

Na kraju mandatnog perioda članovi Komisije konstatirali su da su napravljeni pomaci u promoviranju principa ravnopravnosti spolova u BiH ali da ima još mnogo toga što je potrebno uraditi.

Komisija smatra da je svojim djelovanjem uspjela senzibilizirati i članove PSBiH za pitanja ravnopravnosti spolova, što je rezultiralo činjenicom da je većina prijedloga ove komisije za usklađivanje zakona sa Zakonom o ravnopravnosti spolova u BiH dobila podršku prilikom njihovog usvajanja.

Doneseni su potrebni zakoni i strategije ali veliki problem predstavlja njihovo provođenje i na tome Komisija za ostvarivanje ravnopravnosti spolova treba u narednom periodu više insistirati.

Komisija je konstatirala da su prisutni i neki retrogradni procesi, naročito kad je u pitanju obrazovanje, odnosno prekidanje školovanja djevojčica nakon završene osnovne škole, što može imati dalekosežne štetne posljedice po društvo u cjelini.

Za uspjeh u ostvarivanju osnovnog ljudskog prava – prava na rodnu ravnopravnost od ključnog je značaja zajedničko djelovanje svih aktera i Komisija smatra da je na tom polju postignut napredak ostvarivanjem dobre saradnje s gender institucionalnim mehanizmima na raznim nivoima vlasti, kao i s nevladinim organizacijama koje se bave ovim pitanjima.

PREDSJEDAVALAČI KOMISIJE

Vinko Zorić